



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.53. Concilium Romanum contra Adalbertum & Clementem.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII. *ni, S. Gregorii rejicit. Affirmat se posse*
 A.C. 745. *duos filios in adulterio natos esse posse Le-*
gis Christianæ Episcopum. Item Ju-
daismum introducens, justum esse dicit
Christiano, ut viduam fratris sui defun-
cti accipiat uxorem. Dicit, quod JEsus
Christus, descendens ad inferos, liberasset
omnes damnatos etiam incredulos & ido-
lolatras. Multa quoque alia horribilia
contra Doctrinam Catholicam de Præde-
stinatione affirmat. Quapropter precor,
ut datis ad Carolomannum Ducem litte-
ris eos duos Hæreticos carceri mancipari
cures, & nemo eis loquatur, vel in quo-
cunque communicet. S. Bonifacius ad
ferendam hanc Epistolam & Acta, quibus
duo impostores convincebantur, Dene-
ep. 18. Bonif. di Presbyteri opera usus est. Aliam e-
epist. Germ. tiam dederat Epistolam ad Gemmulum
 148. *inter* • *Ecclesiæ Romanæ Archidiaconum veterem*
Bonif. S. Bonifacii amicum, qui Summo
Pontifici Epistolam reddidit, Acta, que
miserat, exposuit, & supra S. Bonifacii
spem permovit, ut Concilium celebra-
retur.

§. LIII.

Concilium Romanum contra Adal-
bertum & Clementem.

to. 6. p. 1556 *Concilium igitur celebratum est Roma*
vigesima quinta Octobris Constan-
tini Augusti anno vigesimo, post ejus Re-
lucutio-

stitutionem quinto, Indictione decima Sæcul. VIII.
A. C. 745.
 quarta, seu anno Salutis septingentesimo
 quadragesimo quinto, præsidente San-
 ctissimo Domino Zacharia Papa præsen-
 tibus septem Episcopis Urbi vicinis, Pres-
 byteris septendecim, cum Diaconis &
 Clericis reliquis in Palatio Patriarchali
 Lateranensi in Basilica Theodori, propo-
 sitis in medio Sacrosanctis Evangeliiis.
 Dicendi initium fecit Gregorius Notarius
 Regionarius & Nomenclator in hunc
 modum: *Deneardus Religiosus Presby-
 ter Legatus Sanctissimi Archiepiscopi
 Bonifacii Provinciæ Germanicæ pro
 velo † est, & petit ingredi. Quid præ-* † *ad fores*
cipitis? Dictum est: *ingrediatur.* Ille
 ingressus ait: *Domine mi! cum juxta
 vestri Apostolatus præceptum Dominus
 meus Bonifacius Episcopus in Provincia
 Francorum Synodum congregasset, & il-
 lic falsos Episcopos Adalbertum & Cle-
 mentem auctoritate Principum Franco-
 rum adjutus Sacerdotio privasset, obti-
 nuit, ut in custodiam detruderentur. Illi
 vero nullum pænitiæ signum dant, sed
 adhuc populum seducunt. Proinde hanc
 vobis Epistolam offero, & rogo, ut eam
 coram Sancto Concilio recitari jubeatis.*

Cum Theophanes Notarius Regio-
 narius & Sacellarius hanc legisset, Zacha-
 rias Papa dixit: *Audistis, quid in Episto-
 la lectum sit de Sacrilegis illis, qui se A-*

M 2

post-

Sæcul. VIII. *postolis Christi meliores existimant. E*
A. C. 745. *piscopi & Presbyteri dixerunt: Imo*
sunt Ministri Satanae, & præcursores
Antichristi. Quis enim Sanctorum al-
quando pro Reliquiis capillos suos, vel un-
gues populo colendos tradidit, quod Al-
albertus fecit? Tunc quia tardior hora
erat, Papa dixit: Alio die in vitam &
gesta eorum inquiremus, & quid fieri de-
beat, pertractabimus.

In secunda Sessione petiit Papa a De-
 neardo Presbytero, ut Adalberti vitam
 & alia Acta, quæ in manibus habebat,
 proferret. Primum lecta est vita, cujus
 præmisso magnifico titulo, istud erat ex-
 ordium: *De simplicibus parentibus fuit*
procreatus, & de Gratia Dei coronatus.
Quia cum in utero matris esset, vidit ge-
nitrix ejus per visionem quasi egreden-
tem vitulum de dextero latere suo, qui
vitulus designabat gratiam, quam accepe-
rat, antequam exiret e vulva.

Adalbertus
Sycophanta

Hoc solum vitæ ipsius initium Actis
 insertum est, at tota vita lecta. Dixit
 que Zacharias Papa: *Quid ad hanc blas-*
phemiam respondetis? Sanctissimi Fra-
tres! Episcopus Epiphanius dixit: Ex
Divina profecto inspiratione motum est
cor vestri Sancti Apostolatus, ut Fratrem
nostrum Bonifacium & Francorum Prin-
cipes commoneretis, in partibus illis post
longa tempora Concilium esse convocan-
dum,

*dum, ne schismata ista & blasphemiae Sancti-
 ſto vestro Apostolatus celarentur.*

Sæcul. VIII.

A.C. 745.

Papa quæſivit ex Deneardo, an ali-
 quid præterea legendum haberet. De-
 neardus respondit: *Ecce, Domine! Epi-
 stola qua utebatur Adalbertus, & divul-
 gabat, eam esse Jesu Christi, sibi que de
 Cælo venisse.* Lecta est cum Titulo in
 hæc verba: *In nomine Domini! Incipit
 Epistola Domini nostri Jesu Christi, quæ
 in Jerosolymam cecidit, & per Michae-
 lem Archangelum inventa est in Por-
 ta Ephraim, lecta & descripta per ma-
 num Sacerdotis, nomine Icoræ, qui eam
 misit in Civitatem Jeremieæ alii Presby-
 tero, nomine Talassio, & Talassius trans-
 misit eam in Arabiam alii Sacerdoti,
 nomine Leoban, & Leoban transmisit E-
 pistolam istam ad Vetsaniam civitatem,
 & recepit eam ibi Macrius Sacerdos, qui
 eam transmisit in sanctum montem Arch-
 angeli Michaelis, & per manus Angeli
 pervenit Epistola ista in Civitatem Ro-
 manam ad sepulcrum S. Petri, ubi cla-
 ves Regni Cælorum constitutæ sunt, &
 duodecim Presbyteri, qui sunt in Roma-
 na Civitate, triduo vigiliis cum jejunio
 & orationibus celebrarunt. Nihil ultra
 Actis insertum est, sed tota lecta fuit
 Epistola. Qua recitata Zacharias Papa
 dixit: *Profecto, Carissimi Fratres, Ad-
 albertus iste redactus est ad insaniam, &**

M 3

cuncti,

Sæcul. VIII. *cuncti, qui hanc epistolam recipiunt, par-*
A. C. 745. *vulorum more nihil sapiunt. Sed ne le-*
viore animi homines ultra decipiantur,
oportet hanc causam discutere. Episco-
pis consentientibus, reliqua ad aliam
Sessionem, nempe tertiam, dilata.

In Sessione tertia Deneardus obtulit orationem ab Adalberto compositam, cujus exordium erat: *Domine! Deus omnipotens! Pater Domini nostri Jesu Christi, ALPHA & OMEGA, qui sedes super thronum altissimum, super Cherubim & Seraphim. Et infra: Precor vos & adjuro vos! Angelus Uriel, Angelus Raguel, Angelus Tubuel, Angelus Michael, Angelus Inias, Angelus Tubuas, Angelus Sabaoth, Angelus Simiel. Tota Oratione perlecta Zacharias Papa dixit: Quid dicitis ad hæc Carissimi Fratres! Episcopi & Presbyteri responderunt: Quid aliud agendum est, nisi ut omnia hæc concrementur, & Auctores anathematizentur. Nomina hæc, excepto Michaele, non sunt nomina Angelorum, sed Dæmonum. Juxta Sacram Scripturam non plura quam tria Angelorum nomina, Michael, Gabriel, Raphael (*), novimus. Zacharias Papa dixit: Optime judicatis, concreman-*
da

(*) In Libro IV. Esdræ mentio fit de Angelo Uriel. Unde patet hos Patres Librum illum jam tunc pro Canonico non habuisse.

da esse Adalberti scripta, sed opportunum est, ut in scrinio nostro conserventur ad eternam ejus confusionem. Nunc vero, quia omnia perlecta sunt, in utrumque Sententia ferenda est. Tunc Concilium, utriusque delictis summatim memoratis, sententiam contra Adalbertum, & Clementem pronunciavit, a Sacerdotio deposuit, iisque & Sectatoribus eorum, si in errore perseverarent, Anathema dixit. Huic Sententiæ Papa cum omnibus Episcopis & Presbyteris subscripsit. Tres Sessiones hujus Coëcilii eodem die, nempe uno die habitæ, datæ sunt.

§. LIV.

Epistola Papæ ad S. Bonifacium.

Concilio soluto Zacharias Papa S. Bonifacio Acta misit, & scripsit prolixam epistolam, ultimo die Octobris eodem anno septingentesimo quadragesimo quinto datam, qua ad tres Bonifacii epistolas (una vero solummodo nobis superest) respondet. Ad primam respondens, solatur S. Virum, & animos adde- re contra malorum Christianorum molimina, & Infidelium incurfus conatur. *Urbs ipsa Roma, inquit, propter peccata sua a Barbaris vastata est, sed consolatus est eam clementissimus Deus. Indicas populo tuo jejunia & supplicationes publicas. Nos quoque, licet indigni simus,*

Sæcul. VIII.
A. C. 745.